

www.BibleForChildren.org

उत्पत्ति 3



आदम ने अपनी लुगय को नाम हवा रख्यो;
क्युकि जेत्ता इन्सान जिन्दा हइ उन सब की
मूलमाता वा हुय.



परमेश्वर ने जेत्ता जंगली जनवर बनाया था,
उन सब मे साप चलाक थो, अरु ओने बइ से
बोल्यो, “का सच हइ, कि परमेश्वर ने बोल्यो,
तुम या बगीचा का कोय भी झाड को फल नी
खानु?”



बइ ने साप से बोल्यो,
या बगीचा का झाडहोन
को फल हम खै सकस हइ;
पर जो झाड बगीचा का बीच
मे हइ, ओका फल का बारे मे परमेश्वर ने
बोल्यो हइ कि नी ते तुम ओ खे खानु अरु
नी ओ खे छिनु, नि ते मरी जाह्ये.



तब साप ने बड़ से
बोल्यो, “तुम निश्चय नी
मरन का. परमेश्वर खुद
जानस हइ कि जो दिन तुम
ओको फल खाये उय दिन तुमारा
आखहोन खुली जाये, अरु तुम भला
बुरा को ज्ञान पैइ खे परमेश्वर
का जसा हुय जाये.”



आखरी जब बइ ने देख्यो कि उ झाड को फल खान मे अच्छो, अरु देखना मे मनोहर, अरु बुद्धी देन का लिये चाहनो जसो भी हइ, तब ओने ओमे से तोडी खे खायो; अरु अपना अदमी खे भी दियो, जो ओका साथ थो अरु ओने भी खायो.



तब उय दोयझन कि आखहोन खुली गय,
अरु उन खे मालुम हुयो कि वे बीना कपडा
का हइ; येकालिये उनने अंजीर का पत्ता
जोडी-जोडी खे लंगोट बनैय लिया.





तब परमेश्वर
ने फुकारी खे आदाम से पुच्च्यो, “तू कहा हइ?”
ओने बोल्यो, “मि तरो आवाज सुनी खे डरी गयो, क्युकि मि बीना
कपडा को थो येकालिये मी लुकी गयो.” परमेश्वर ने बोल्यो, “कोने तो
खे बातायो तु बिना कपडा को हइ? जो झाड को फल खान का
लिये मेने तो खे मना कर्यो थो, का तोने ओको फल खायो हइ?”



आदाम ने बोल्यो, “जो बड़ खे तोने मरा संग हेंन का लिये दियो,
हइ ओने उ झाड को फल मे खे दियो, अरु मेने खायो.”
तब परमेश्वर ने बड़ से बोल्यो, “तोने यो का कर्यो हइ?”
बड़ ने बोल्यो, “साप ने मे खे भैइकइ दियो,
तब मेने खायो.”



येकालिये परमेश्वर ने ओ खे अदन बगीचा
मे से निकाली दियो कि वा जमीन पर खेत
करनु जेमे से उ बनायो गयो थो.






येकालिये आदम खे ओने निकाली दियो अरु
जीवन का झाड को रस्ता को पैरो देन का लिये
अदन को बगीचा का पूर्व का तरफ करुबो
खे, अरु चारी तरफ घूमन आली अंगार
जसी तलवार खे भी
नियुक्त करी दियो.




जब आदम अपनी लुगय हवा का पास गयो तब ओने पेटसे हुय खे
कैन खे जन्म दियो अरु बोल्यो, मेने परमेश्वर का मदत से एक बेटा खे
जन्म दियो हइ. फिर उ ओको भैइ जन्म्यो, हाबिल तो मेडाहोन को
चरान आलो बनी गयो, पर कैन जमीन कि
खेत करन आलो कि किरसान बन्यो.



कुछ दिन का बाद कैन परमेश्वर का पास जमीन को उग्यो मे से कुछ भेट लि आयो. अरु हाबिल भी अपनी मेडाहोन को कुछ एक पयलो जन्म्यो बच्चो भेट चडान लि आयो अरु उनकी चर्बी भेट चडैइ; तब परमेश्वर ने हाबिल अरु ओकी भेट खे अपनायो. पर कैन अरु उनकी भेट खे ओने अपनायो नी तब कैन भोत घुस्सा हुयो, अरु ओका मुंडा पर उदासी छै गय.



तब कैन ने अपना भैइ हाबिल से कुछ बोल्यो;
अरु जब वे मैदान मे थो, तब कैन ने अपना भैइ
हाबिल पर चडी खे ओको खुन करी दियो.



तब परमेश्वर ने कैन से पुच्छो, “तरो भैइ हाबिल कहा हइ?”
ओने बोल्यो, “मालुम नी; का मी अपना भैइ को रखवालो हइ?”
तब कैन परमेश्वर का सामने से निकली
गयो अरु नोद नामको देश मे, जो अदन
का पूर्व का तरफ हइ, जेन लग्यो.



अरु आदम अपनी लुगय का पास फिर गयो; अरु ओने एक बेटा खे जन्म दियो अरु ओको नाम यो बोली खे शेत रख्यो कि “परमेश्वर ने मरा लिये हाबिल खे बदल्यो, जे खे कैन ने मार्यो थो, एक अरु कुल प्रदान कर्यो.”



अरु शेत का जन्म का बाद आदम आठ सौ साल जिन्दो हियो,
अरु ओ खे अरु भी बेटा बेटा पैदा हुया. यो प्रकार
आदम की कुल आयु नौ सौ तीस साल की हुय,
ओका बाद मे उ मरी गयो.



परमेश्वर ने देख्यो कि इन्सानहो की बुराइ पृथ्वी पर बडी
गय हइ, अरु उनका मन का बिचार मे जो कुछ पैदा
होस हइ उ सदा बुरो ही होस हइ.



तब परमेश्वर ने बोल्यो, “मी इन्सान खे जेको मेने रच्यो हइ
की पृथ्वी का उपर से खतम करी दियु; का
इन्सान, का जनवर का रेंगनआला जन्तु, का
बहल का चिडी, सब खे खतम करी दियु,
क्युकि मि उन खे बनाना से पसतोस
करुस हइ.”



पर परमेश्वर को अनुग्रह की नजर नूह पर बनी छि.
अरु नूह से शेम, अरु हाम, अरु येपेत नामको,
तीन बेटा पैदा हुया.



क्युकी परमेश्वर ने जगत से असो प्रेम रख्यो कि
ओने अपनो एकलौतो बेटो दि दियो, ताकि जो
कोय ओ पर विश्वास कर्येका उ नाश नी
हुइ खे पर अनन्त जिवन पाये.



रोमीयो 3:23 येकालिये कि सब ने पाप कऱ्यो हइ अरु परमेश्वर कि महिमा से ङ्हेस हइ,

रोमीयो 6:23 क्युकी पाप की मजुरी मरनो हइ, पन परमेश्वर को वरदान हमारो प्रभु मसीह यीशु मे आखरी जिवन हइ.

इब्रानीहोन 9:27 अरु जसो इन्सान का लिये एक बार मरनो अरु ओका बाद न्याय को होनो नीयुक्त हइ,

इपिसियो 2:8,9 क्युकि अनुग्रह ही से, विश्वास का वजेसे तुम उध्दारमील्यो ह्यो हइ. येका करण तुम नी, यो परमेश्वर को वरदान हइ अरु यो काम होन को प्रतीफल नी हइ कि कोय घमण्ड कऱ्ये.

रोमीयो 10:9,10 की अगर तु अपना मुडा से यीशु खे प्रभु जानी, अंगीकार कर्हे अरु अपना मन से विश्वास कर की परमेश्वर ने उ मरन ह्यो मे से जलायो, ते तु स्वतत्रता कर्यो जाये. विश्वास करणा से हम परमेश्वर कि धार्मीकता का सात सही रिस्ता मे से आस हइ अरु उध्दार मुडा से कबुल करणा से मुक्ती पास हइ.



यहून्ना 3:16,17 क्युकी परमेश्वर ने जगत से असो प्रेम रख्यो कि ओने अपनो एकलौतो बेटो दि दियो, ताकि जो कोय ओ पर विश्वास कर्येका उ नाश नी हइ खे पर अनन्त जिवन पाये. परमेश्वर ने अपना बेटा खे दुन्या मे येका लिये नी भेज्यो, कि जगत पर दण्ड की आज्ञा दे, पर येका लिए कि दुन्या ओका वजेसे उध्दार पाये.

1 यहून्ना 5:11-13 अरु वा गवइ या हइ कि परमेश्वर ने हम खे अनन्त जिवन दियो हइ, अरु यो जिवन ओका बेटा मे हइ. जेका पास बेटो हइ, ओका पास जिवन हइ अरु जेका पास परमेश्वर को बेटो नी, ओका पास जिवन भी नी. मे ने तुमखे जो परमेश्वर का बेटा का नाम पर विश्वास करस हइ येका लिये लिख्यो हइ कि तुम जाननु कि अनन्त जिवन तुम्हारो हइ.



उत्पत्ति 3 – 6

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: M. Maillot, Tammy S.

Gowlan Bible (goj) ©The Word for the World International
and Gawlan Translation Samiti, Telkhar,
Maharashtra, India, 2025.

<https://www.bible.com/bible/4050/MAT.1.GNN25>

©2026 Bible for Children, Inc.

www.M1914.org

www.bibleforchildren.org

